

《續修四庫全書》編纂委員會編

續修四庫全書



上海古籍出版社

肇域志

四〔清〕顧炎武撰

據上海圖書館藏清抄
本影印原書版框高二
○五毫米寬二八六毫米

五八九・史部・地理類

肇域志□□卷（存江南十一卷、浙江二卷、山東八卷、山西五卷、河南四卷、湖廣三卷、陝西十卷、雲南二卷、貴州一卷、廣東二卷、福建二卷）（山東一至山東六）〔清〕顧炎武撰……

2654/9

三卷四十五頁至四十九頁
 四卷四十一頁至五十二頁
 五卷六十一頁至七十二頁
 有山南鈎應州人

肇域志

山東

濟南府

古名齊郡

城周十二里有奇

漢武帝

封齊悼惠王子辟光為濟南王 禹貢青兗二州

地歷城章丘鄒平淄川長山新城齊東濟陽屬青

州餘屬兗州 南包泰岱北跨清濟西盡平原山

東一都會 驛城馬驛西關北五里鋪 西關遞

運所 濰州批驗所城西北十三里 州四縣二

十六 屬濟南道 德王封三英宗第 濟南守巡

山東一

道駐劄 二判 有鹽運司 濟南衛左右前後
五所 府治譚城驛七十里至長清縣東北置驛
七十里至肥城縣五道嶺驛六十里至安甯驛九
十里至甯陽縣青川驛又六十里至兗州府七十
里至龍山鎮驛四十里至章丘縣七十里至鄒平
縣二十里至長山縣七十里至金鎖鎮三十五里
至淄河縣三十里至青州府 至北京八百里至
南京一千八百五十里 山東要害之地凡五臨
清南北之咽喉武定燕薊之門庭曹濮魯衛之藩
籬沂州徐淮之鎖鑰登萊邊衛海東之保障 南

四卷八頁至十五頁之五
十三頁五十四頁五十五
頁五十六頁內均有歷
城類應併入

有泰山北有渤海戰國策即山東兩路之間最為衝	要金史蒙元濟南路本朝改為府大清河自	兗州府甯陽界西南流至汶上縣北泗汶邨至東	平州南西北流至東阿縣又東北歷本府長清經	齊河歷城濟陽齊東武定青城濱蒲臺利津界入	海即濟水之故道小清河一名灤水出府城西	趵突泉東北經章丘鄒平新城入青州高苑縣界	即濟之南源春秋公會齊侯於灤是也	歷城縣治編戶四十二里一作九十八里街	繁民疲龍山鎮馬驛在東七十里舊有龍山
--	---	----------------------------	----------------------------	----------------------------	--	----------------------------	------------------------	--------------------------	--------------------------

山東一

二

鎮遞運所革 鮑山在縣東三十里下有鮑城蓋
叔牙食邑 鵲山湖在府城北二十里濼水自大
明湖東北流至華不注山下匯為湖又東北流入
大清河偽齊劉豫乃自城北導之東行為小清河
而水不及鵲山湖矣 濯纓湖在府內都司西北
本名灰泉合北珍珠散水濯纓硃砂劉氏溪亭諸
泉皆匯此周廣數畝 巨合水在府城東七十里
西源曰榆科東源曰江水泉北流各五里合小清
河 全設 堰頭鎮龍山鎮巡簡司 通志東接
臨淄之饒西阻濟河之險眾泉競出而匯流于南

北五郡分列而達道于東西古齊之名區東藩之首郡元史五行志至正二年六月癸丑夜濟南山水暴漲衝東西二關流入小清河黑山天麻石固等寨及臥龍山水通流入大清河漂沒上下居民千餘家華不注山在東北一十五里下有華泉今竭左傳成二年魯季孫行父帥師會晉郤克及齊侯戰于鞏齊師敗績逐之三周華不注又云從齊師至於靡笄之下逢丑父與公易位使公下如華泉取飲則此山亦名靡笄山前道院中有石刻太白諸賢詩院前即華泉與小清合流黃山

山東一

三

在西南六十里趵突泉之所出源自山西王屋山下伏流至于河南濟源縣湧出道黃河溢為萊水西北至黃山渴馬崖伏流五十里至城西為此泉或以糠驗之信然會諸泉入城匯為大明湖流為小清河山勢周圍如城岱陰諸泉之水奔流至山西渴馬崖匯為池圍數畝不溢而伏流至城西復出為趵突泉 趵突泉在府城西平地泉湧高或至數尺蓋濟水伏流至此發為灤水之源也東北注小清河入海 歷山在南五里一名舜耕山古有舜祠南屬泰山東連琅玕崇岡疊嶂脊脉不斷

函山在南二十里泰山之北麓大明湖在城
西北隅源出歷下諸泉一名西湖其大占府城三
之一由北水門出與濟水合漲漫無際遙望華不
注峯若在水中歷下城絕勝處也金線泉在城
西石甃方池泉湧亂發其下注城濠澄澈見底波
心南北有金線一道隱起水面趵突西南諸泉
東北流經來鶴橋入趵突泉珍珠泉在府城內
有二南泉已淤北泉在都司西北白雲樓前濟南
名泉七十二趵突為上金線珍珠次之其餘皆不
能與三泉併矣乙酉觀入德府城中矣泉爆起粒

山東一

四

粒如珍珠匯為大明湖 古歷下城在西俗呼子
城晏謨三齊記云古歷下城對歷山城在山下
漢譚城縣在東七十里古譚子國 東平陵縣在
東六十餘里濟南郡治此 元史李洞傳僑居濟
南有湖山花竹之勝作亭曰天心水面 曾鞏記
曰泰山之北與齊東南諸泉之水西北匯於黑水
之灣又西北匯於柏崖之灣而至于渴馬之崖蓋
水來也眾其北折而西也悍疾尤甚及至于崖下
則泊然而止而自崖以北至于歷城西蓋五十里
有泉湧出高或至數尺名之曰趵突泉齊人皆謂

三卷五十四卷十六頁
至四十頁內均有章邱
類應併入

嘗有棄糠于黑水之灣者而見之于此蓋泉自渴
馬之畦潛行地中而至此復出也趵突之泉冬溫
泉旁之蔬甲經冬常榮又謂之溫泉其注而北則
謂之濼水達于清河以入于海 史記晉平公伐
齊戰于厯下又韓信襲破齊厯下軍

章丘縣 府東一百一十里 編戶一百里一作一

百三里 繁疲多豪富難治 城周六里 亭山

在縣西南 五十里 隋置亭山縣以此相傳即桀死

處按湯放桀于南巢書傳皆謂廬江巢縣獨尸子

云放之厯山古有巢氏治琅玕之石叟山豈齊地

山東一

五

亦有南巢耶 樂盤山在縣南二十一里三齊記
云下有樂盤城即平陵王與陽丘侯餞送之地
陽丘城在東南三十里陽丘侯封甯戚城在東
北三十里漢武帝封魯共王子恬為甯陽侯邑
朝陽城在北五里漢高帝封華寄為朝侯 管城
在西北二十五里今名水寨 已上漢城 亭山
城在西南四十里 臨濟城在西北六十里 已
上隋城 朝陽橋在漯河昔韓信破田橫耿弇擒
張步皆于此濟河耿弇傳弇自平原進討張步從
朝陽橋濟河 黟山在東二十五里一名黟堂嶺

連淄川鄒平二縣界與長白山相連 元史張榮
傳金季山東羣盜蜂起榮率鄉民據濟南巒堂嶺
東陵山在縣西南三十八里寰宇記盜跖死處
山南有盜跖墓 女郎山在縣東南七里又號小
田山齊記云章亥有三女溺死葬此舊志或云齊
匡章子墓有三陽洞俗云有子張墓即張女冢所
謂章丘者 雞山在縣西南四十里巨水出其下
清河在縣東一里源出縣之會仙山合百脈泉
及東西二麻灣泉西北匯為白雲湖流入小清河
漯水河在東北七里源出長白山之王邨峪西

北流至柳塘口入小清河 百脈泉在縣南三十
里明水鎮方員半畝許其源上湧百脈俱發 左
曰東麻灣泉右曰西麻灣泉俱在百脈泉西北自
石壑中湧出俱會百脈泉 白雲湖在縣西北七
里周圍六十里俗名劉郎中泊 崔城在縣西北
二十五里俗呼古城左傳襄二十七年崔成請老
于崔杜預注濟南府東朝陽縣西北有崔氏城
漢樂安城在臨濟鎮東北八十里
鄒平縣 府東一百八十里 編戶五十七里 繁
衝民疲 舊有青陽店馬驛在縣西三十里隆慶

四年革	城周四里	沙河在縣西三百步源出
大峪山	西北流入小清河	小清河在縣北十三
里	潞山泊在縣西十五里長白山下	醴泉在
縣西南三十二里	泉深丈許冬夏不竭	旁有醴泉
寺與范文正公祠	漢唐舊治在縣西南二十五	
里趙臺城	宋徙今治	漢濟南郡城在北十八里
隋濟南縣城	在東北十五里開皇中置大業中	
廢入長山	漢平原縣城在東一十二里平原莊	
梁鄒縣城	在縣北四十里孫家鎮去齊東縣東	
南三十五里	長白山在縣西南十里	豐堂嶺在

山東一

七